

Ч. 14. (49.) Крыница, четверг дня 11. квітня (29. марта) 1935. Рок II.



Орган Лемковского Союза.

Выходит в каждый четверг.

Редакция и администрация в Крыници. — Адрес „Лемко“ Крыница.

Пренумерата в краю:
30 грошей місячно,
80 „ кварталне
1.50 „ полрочно,
3 зл. рочно.
В Америці: 1 дол. рочно.
В Чехословакії:
2 кор. місячно, 10 кор. полрочно,
20 кор. рочно.
Контото чекове Нр. 404.155.

РІЧПОСПОЛІТА ПОЛЬСКА Министерство Финансов.

Министерство Финансов повідомлять, же на основі закона с дня 26. марта 1935 р. (Дн. З. Р. П. Н-р 21. поз 122) и зарядженія Министра Финансов с дня 29. марта 1935. буде випущена дня 1, мая 1935. р. 3 проц. Премиова Пожичка Инвестиційна.

Облигації пожички будут выставлены на показателя именной вартости по 100 зл. — в золоті. Пожичка ест опроцентована в высоті 3 от ста рочно. Процент ест платный што 4 місяцы здолю.

Пожичка ест премиова. Премии будут розльосованы што 4 місяцы. Рочно припадат выгранных в першом десятиліттю 3.200 облигацій.

в том три головны выгранные: дві по 500.000 зл. и одна 200.000 зл.

На 100 миллионов злотых емитованой пожички буде выносити сума выгранных в першом десятиліттю 44.750.000 зл.

Вшитки облигації участничат все в льосованю выгранных. Перше льосованє отбуде ся дня 1. вересня 1935 р.

Пожичка подпадат амортизации в продолженію чотырдесятох літ в дорозі льосовань амортизацийных, котры будут отбывати ся 3 раз рочно, начавши от 1. вересня 1945 р.

Облигації, выльосованы до амортизации в часі перших 30 літ, будут выкуплены по 120 зл. за 100 зл. именной вартости, в продолженію слідующих 5 літ по 125 зл. и в продолженію послідных 5 літ по 130 зл.

Капитал и проценты пожички сут обезпечены цілым движимым и недвижимым маєтком Державы.

Облигації 3 проц. Премиовой Пожички Инвестиційной а также доходы с тых облигації сут освобождены от всяких податков и данин державных и самоуправных.

Субскрибция пожички буде тревати от 10 квітня до 10 мая 1935 р. включно.

Ціна продажна облигації выносит 100 зл. за одну облигацію вартости именной 100 зл.—в золоті

Належну за субскрибцию суму можут субскрибенты вплачати до высоты 50 проц. субскрибованой сумы власныма облигаціями Пожички Народной, котры будут приниманы в именной вартости 100 зл. за 100 зл. За властителей облигації Пожички Народной уважат ся покупателей той пожички и людей, котры одержали тоты облигації на основі цессии, довершеной за згодом Комисара Ген. Пож. Народ.

Заплата на субскрибцию може быти розложена на 10 місячных рат, платных от дня 5-го каждого місяца. Тоты, котры платят часть субскрибованой сумы облигаціями Пожичкой Народной, вплачают першу рату грошми одночасно со зложенєм тых облигації. Тоты, котры вплачают субскрибцию в 10-тох ратах, одержуют облигації с купоном платным 1. мая 1936.

От урядников державных и функционеров монополей, банков, предприятий и фондов державных Вселюдного Закладу Убезп., Взаимного Закладу Убезпечень Социальных и Убезпечалень, Социальных субскрибция буде принимана посредством их властей асыгнующих.

Субскрибцию принимают: Банк Польский, Банк Господ. Краєвого, Державный Банк Рольный, П.К.О. Банки Союзны, Комунальны Касы Ощадности, Центральна Каса Сполук Рольных и други институты финансовы, котрых спис буде добавочно усталеный.

Дня 19 марта в Крампі повіт Ясло.

„Счастливе зреализованє вшитких великих работ поднятых Паном Маршалком, каже нам вірити, же и велике діло державного выхованя граждан Польши буде доведено до конца. Послідує то тым скорше, чим больше количество усвідомленных граждан стане до выконаня великого пляну Вождя Народа“.

Мы, лемки, доціняючи великы заслугы, положены Першим Маршалом Польши, Осифом Пилсудским для державы и народа, любиме Его за то, идеме точно по мысли Его ука-

заны, штобы тым причинити ся хоц частично до потужанє силы Річипосполитой.

Свідокство нашого отданя для особы Пана Маршала, а также міру нашей гражданской свідомости дали мы в день Его именин.

Якже почтили мы Его в том дні?

Утворено комитет обхода торжества имени Пана Маршала.

Дня 18. марта о год. 6-той вечером оркестра, граючи марши, перешла с походом дорогами села Крампна. Вшитки окна в домах

были иллюминированы.

Дня 19. марта о год. 6. рано оркестра перешла зас село с музыком.

О год. 9.15. збор перед будынком народной школы.

В зборі взяли участь: Отділ стрілецького Союза с Крампской Гуты, Сторожа Гранична и Державна Полиция с Крампны, Пожарны Сторожи с Крампны и Котани, школьна молодеж с Крампны и Котани, молодеж несорганизована и праві вшитки жителі села Крампна.

О год. 9.30. отобрал рапорт инспектор

Граничної Сторожи с Ясла Здислав Руцинський, котрий приїхав до нас с комисаром Граничної Сторожи Казиміром Врублевським. По отобраню рапорта поход с оркестром рушил до місцевої церкви, где О. Анатоль Клиш отслужил богослуженє и выголосил оказийну проповідь, в котрой поднес заслуги Пана Маршала для краю, церкви и віры.

По богослуженю поход ружил ку школі, где принял дефіляду инспектор Гнаничной Сторожи с комисаром Врублевським и аспирантом Драганом.

По дефіляді оказийну промову выголосил Управитель Комисарията Граничной Сторожи с Крампны, аспирант Ст. Драган, котрый в своєй бесіді обговорил житє Пана Маршалка и труды над угрунтованєм державной силы Польщи. Бесіду закончил окриком в честь Пана Маршалка. Погодивше послідовали деклямації дітей школьных с Крампны и Котани. На законченє діти школьны отспівали Іпару пісенок, а о год. 2-гой поход резвязался.

В день именин Пана Маршалка вшиткы господары села Крампна вздержали ся от тяжких работ, што являт ся доказом належитого зрозумленя и отданя чести Достойному Соленизанту,—належите доціненє положеных Ним заслуг для державы и народа. Через тото село выказало гражданский рыгор, котрый Маршал Пилсудский рішил собі виробити в народі для силы Польщи.

Нехай же Перший Маршал Польщи, — Осиф Пилсудский.

Крампна в марті 1935.

Демянович Василь
начальник громады.

Итам ся на нем познали.

Перед двома літами оставил горлицкий повіт насланный ту через покойну Австрию великий подвижник украинского „руху“ пан Тымко Перейма, учитель, котрый раньше был в Ропиці Руской, а пак в Смерековци.

Перенес ся до Перемышля и всі мы мыслили, што велика радость запанує серед перемышских украинцов, а особенно во всіх украинскых „установах“, што достали так славного и великого чоловіка.

Але и там на нем скоро ся познали. Пан Тымко хотіл влізти в першой мірі в члены Украинского Дівочого Института, а пак выдрапати ся и на „директора“ котроиси финансов и „установы“.

Однак в члены Укр. Дів. Института его не приняли. И розгоріла ся ціла „боротьба“ около личности Тымка Переймы. Пан Тымко примкнул нагло до клерикального „Украинского Бескида“ и там напечатал аж и свою власну житєпись, описуючи, якы то заслуги положил он для Украины.

И от часу ніт ни одного числа „Укр. Бескида“, котрого бы не заносило духом Тымка Переймы, а на всі его „творчо-опыційны“ дописи отвічат ундовска „Наша Земля“, острыма жартами и кпинами.

Радость для „Украинского Бескида“.

Український Бескид с 24. марта с. р. доносит за американском украинском „Свобо-дою“, што парох украинской греко-като-лической церкви в Елизабет о. Олекса Пристай не хоче принять становиска епископа украинской православной церкви и остане на дальше в американской украинской греко-като-лической церкви. Ище вєче тішит ся „Бескид“ тым, што

ДУЖЕ ВАЖНЕ И АКТУАЛЬНЕ ОСТЕРЕЖЕНЄ.

Ніт на світі такого закона, котрого людє не старали бы ся обыйти, если тот закон для них не выгодный.

Так єст и с теперешным законом о рольных долгах.

Відома всім річ, што долги, котры были затыгнены через господара перед 1. липня 1932. на ціли господарчи, подлягают розложению на раты и можна их сплатити через літ 14. в полрочных ратах 1. квітня и 1. жолтня каждого року, начинаючи от 1. квітня 1935. а кто хоче такой долг заплатити нараз перед 1. листопада 1937. тот має право цілый долг заспокоити 2/3, частями должной сумы, (то значит за 100 зл. отдати 66 зл. и 66 грошей).

Знаме однак такы случаи, што людє мягкы и уступчивы дають ся обманути людям безсовістным, а то способом, котрый для лучшего зрозумленя опишем на примірі:

Ваньо єст должен Осифови от рока 1931. суму 300. зл. котру у него позичил на будіву хыжи и сумы той до тепер не звернул.

По новому закону Ваньо має право суму тоту отдавати Осифови в 28-ох полрочных ратах. Але Ваньо чоловік мягкий, уступчивый и встыдливый, а Осиф чоловік такой, што с другого и скору содре, а грошей має много не лем медже людьми, але и тепер сидит на грошах.

И Осиф своему братанкови, або швагрови, котрый ся зове Фецко поддаст 300 зл. на тото, штобы Фецко гроши тоты позичил Ваньови, коли Ваньо до него приде жити.

Погодивше иде Осиф до Ваня и начинат упоминати ся о свои гроши 300 зл. начинат грозити єму судом, коштами и всіма карами Божима и людськими.

о. Петро Середа, котрый перешол на православіє ище 1926. р. покаял ся тепер и просит о принятє его назад до украинской греко-като-лической церкви. Всім відомо и украинскы газеты тото не перечат, што оба тоты священники то не лем сознательны украинцы, але и извістны украинскы діятелі.

Из донесень „Укр. Бескида“ выходит, што оба тоты священники-діятелі свою службу в такой або иншой церкви міняють так, як у нас мінят службу перший ліпший наємник.

Памятаме добре, як всі укр. газеты, а в першой мірі „Укр. Бескид“ нашмарял ся с піном в роті от злости на всіх звичайных селян-лемков, котры, не могучи стерпіти в униятской церкви украинской политики, переходили в православє, переходили из конечности, бо загнала их там тактыка перемышского епископа и украинскых священников.

А ту не селяне, лем священники, котры должны быти фундаментом церкви, переходят из украинской греко-като-лической до украинской православной церкви. Хоц напевно никто не высмівал ся над их людським и национальным достоинством, никто не розрывал их души национальным борбом.

А ніт чому дивовати ся. Навет у клерикальных украинскых газет одна етыка а именно така: жадне свинство и лайдацтво не єст свинством и лайдацтвом, если его допускать ся украинец.

Ваньо, котрый газеты не читат, до міста не доходит и взагалі не знає, што ся в світі діє, присігат, же рад бы отдати, але ніт откаль взяти, ніт способа ани пр. дати штонебуд ани позичити, а тогды Осиф гварит до Ваня: „чловеце, ты лем зайд до Фецка, у него грошей купа, он тобі зараз позичит, и отдаш мені, бо я барз грошей потребу“.

И наш встыдливый и мягкий Ваньо дає ся намовити и иде до Фецка и просит его о позичку 300 зл.

Фецко чухрат ся в голову, гварит, же вправді сам грошей потребує, але не годен Ваньови, яко сусідови и кумови отказати и вынимат со скрынї 300 зл. и позичат Ваньови, а Ваньо сейчас отдає тоту суму Осифови.

И штука Осифови ся удала, бо своих 300 зл. достал зараз вмєсто ждати на них 14 літ и доставати их ратами, а Фецко за рок, або полтора заскаржит Ваня до суда о зворот 300 зл. и суд засудит нашого Ваня, штобы заплатил Фецкови 300 зл. и те сейчас, бо новы долги, то значит долги затыгнены по 1. липня 1932. не подпадают под ратальну сплату.

По друге Ваньо зробил одночасно и другу глупоту, бо если уж хотіл долг отдати нараз, то мал право за 300 зл. отдати лем 200 зл. и тых 200 зл. по закону числило бы ся за 300 зл. и Осиф мусіл бы их принять за цілый долг.

Коротко гварячи наш мягкий и уступчивый Ваньо сплатил нараз старый долг, котрый мог сплатити через 14 літ, затыгаючи новый долг, котрый скорше ци позднійше доведе Ваня до лицитации цілою господаркы.

Майте ся отже должники на увазі перед такыма штучками.

Склад нового правительства.

По ухваленю новой констытуции уступило правительство премьера Козловского.

Нове правительство утворил председатель клуба Б.Б. полковник Славек, котрый уж два раз был во главі кабинета.

Склад нового кабинета єст слідующий:

Премьер-полк. Валерий Славек.

Министер войсковых справ—маршал Осиф Пилсудский,

министер внутренних справ—Мариян Зындрам Кесцялковский,

министер заграничных справ—полк. Осиф Бек,

министер финансов—проф. д-р Владыслав Завадский,

министер справедливости—Чеслав Михалевский,

министер просвещения—Вацлав Ендржевич,


министер рільництва—Юлиан Понятовский,

министер промисла и торговли—майор Генрих Флор Райхман,

министер коммуникации—инж. Михаил Буткевич,

министер соц. опеки — Юрий Пацюрковский,

министер почт и телеграфов—полк. инж. Емилиян Калинин.



Закончене курса дырыгентов в Крыниці.

Як відомо, в ініціативи Лемко-Союзу в Крыниці отбыл ся 2-х місячний курс співу и дырыгентуры, для читалень Лемковщини. Дня 30 і 31 марта т. р. отбыло ся закончене того курса. В суботу 30.III. отбыли ся теоретичны экзамены, а в неділю 31.III. полиши курсантов с хором. На торжественне закрытє курса прибыли многочисленны представители місцевої руской интеллигенции, во главі е председателем Лемко-Союза д-ром О. Г. Гнатышанком и секретарем г. М. А. Трехановенным. Приеутствовала также е. Керель с редином и члены хора чит. им. М. Качковского.

На сцені поочередно выступали оден курсант за другим, поддаючи тен хорови и дырыгуючи ним, при виконаню той пісні, котру достал в закрытой конверті, яко пісно экзаменаційну.

Уж на уетных экзаменах представители місцевої интеллигенции подивлялися, же за так короткый час науки межия добыти ся прекрасных результатов, што видне было по отличным отвітам курсантов.

Укончили курс и получили свідоцтва слідуочи особы: г. г. Р. Вандаляк с Гановы, Хованец и Адамович с Мушинкы, Трухан и Кешла с Тылича, Яценник с Мохначкы Нижной, Репела с Ростокы великой, Осиф Станко с Лабовы, Яценник со Щавника, Крыницкый и Уецкый с Войковы, Павел Греняк с Крыницы и одмиока дівчина с Андреевкы Русиняк Стефания.

На курсі отбывала ся наука гры на манделинах.

На закончене председатель Лемко-Союза звернул ся до абсольвентов курса с короткым, сердечным словом, в котром высказал значене пісні для села і взывал курсантов быти пионерами народного діла на селі. От имени курсантов дяковал преф. Ропицкому и Лемко-Союзу за устрейство курса г. Крыницкый с Войковы.

Абсольвенты курса в знак благодарности поднесли своему учителю співу г-ну А. Л. Ропицкому—альбом для фотографии и алябастрову пепельничку.

Як довідусе ся, Лемко-Союз устроює также курсы трыкетарства в Крыниці и білоскорництва. Вітаме щиро их труд.

Устрейство курсов співу на Лемковщині слідує радостно привитати и высказати пожелане, жебы руководителі Лемко-Союза такий курс перевели также в Горлицах для читалень горлицкого, явельского и б. грибовского пов., а те тым больше, што условия в Горлицах позволяют на то.

Устрейство таких курсов оживит читальняне жите на селі, пребудит интерес серед молодежи до пісні и послужит ділу організації по наших селах хоров—чит. и церковных.

О. Я.

С життя Лемковщини.

В неділю 31 марта т. р. в Лабові отбыло ся Загальне Собрание членов читальні им. М. Качковского. Председателем на час Собрания выбрано г. Тымка Калиняка, секретарем г. Кеирада Дрежджака. Открываючи Собрание председатель звернул ся до прибывшего на Собрание делегата Цент. О-ва им. М. Качковского, ревизора г. Яновицкого со словом привітствия. Делегат г. Яновицкий, в дедшем слові до многочисленны собранных членов чит. передав Лабовянам привіт от Центр. О-ва, указуючи на важну ціль и значене русских чит. в житю нашего народа, яко выховуючої ин-ституции для молодежи, котра без чит. не має перед собою жадных идей и ціли существовать, преводит вольный час безосмысленно. Лем чит. обединяючи молодеж, виконує роль народного университета, пеучаючи наше молоде поноліє, як слідує жити і выраблять о них честных граждан села и державы. Лем руска добра книжка и газета, получена с науком отца и матери, выховат нашу молодеж в старом руском духу. На закончене звернулася до Лабовян держати высоко руске знамя, идучи слідами наших достойных предков, котры причинили ся до того, што тепер видиме на свои очи, т. е. прекрасный поверховый дом, театральну салью, котрых могут позавидовати не лем села, але и міста и просил берегти тот доробок, разумно превадячи господарку, жебы оставить тот доробок грядущим поколіям.

По докладі о діяльности уступающего Выділа, приступлено до выбора нового Выділа, до котрого вошли: г.г. Тымко Калиняк молод. Иван Калиняк, Петро Кулянда, Семан Кулянда, Томко Пелячик, Петро Федорчак и Григорий Вислоцкий. До Контрольной Комиссии выбрано: г.г. Конрада Дрежджака, Антония Вархолика и Теофиля Мончака. Крім того выбрано руководителей кружков: театрального и спортивного.

Яко нагороду за труд и добре ведене чит. приенано 50 зл.—ренумерации, председателю чит. г. Тымкови Калинякови молодш. Ухвалено на внесене руководителя спортивного кружка грешову суму на выарендоване пляцу для занять молодежи спортом. Высказано пожелане устрейства при чит. аптечки медычно-ветеринарийной для своих членов.

Над вопросами дальнейшей діяльности чит. вывезала ся доляша дискусия, в котрой забєрали голос многы бесідники. Ревизор г. Яновицкий в другом слові—горячо доказовал користь открытї молочарні, котра в теперешных тяжких часах даст приплыв до Лабовы и окolicных сел: Матієвы, Складистого, Лабовца, Угрына, Котова и Новой Веси—свіжого гроши за масло, сметанку и молоко, понеже збыт тых продуктов в Крыниці ест цілком запевнений, особенно в літі, в часі сезона. Призывал до онованя кооперативной касы и машиновой секции с сельско-господарских машин. Крім того указал на необходимость составления наждого року для Собрания биланса великого маєтку чит., жебы члены с того выділи, як Выділ господарил за отчетный рок и нилько вартат маєток чит.

Закончило ся Собрание поздно вечером співом гимна: Пора за Русь... На предложене г-на Саввы Мончака, Собрание почтило вставанем и молчанем память бл. пам. о.о. Мохвачкого и Іоана Хриз. Дуркота, т. е. тых, котры ище перед войном причинили ся до того, што Лабова має тепер маєток, ціна котрому выносил найменше 35—40 тысяч зл. П-треты тых двох народных діятелей на русской ниві в Ла-

бові и окolicных селах висят в сали чит. Рєбота тых бл. пам. свящєнников дала добры плоды.—Село Лабова представляет тепер высоко культурне село и має много селянских интеллигентов, сознательных русских людей, котры на лежку дорогу на дадут ся звести. Доказом того, што по войні село не маючи русской интеллигенции, бо укр. епископат на-еаджал ту все украину, через своих свящєнников, котры отарали ся насадити в Лабові сепаратизм, остало ся твердо руским и в том духу выховує и свою молодеж.

Честь и слава Вам Лабовяне за Вашу стойкость и твердость. Будте и дальше стойкими и солидарными, а жадна сила Вас не переомеже. Добрежелатель.

Крыница-село.

З рамени Лемко-Союза и Руской Бурсы в Горлицах в днях 26, 27, 28, 29 и 31 марта т. р. отбыла ся в селах Складистом, Матієві, Лабовці, Котові и Лабові, демонстрация религиозных и научно-поучительных фильмов в школах тых сел, на котрых приеутствовало много народа и дітей. Деєтуяны цінны вєтула от 10 до 30 гр. и прекрасна програма картин, вы-кликали по тых селах заинтересоване и благодарность селянства, котре просило не забывати и частійше приїжджати до села с поучающими фильмами и живым словом. Выїзджали с фильмами г. рев. О. Яновицкий и урядник редакции газеты „Лемко“ г. Борис Носков, котры при высвітляню образов—читали отвітны рефераты. На питання селяне все от-вічали,—же им больше подобат ся фильм рухомый. В тых днях отбудут ся таке выїзды и по другим селах сандецкого пов. Ціль—помоч Руской Бурсі в Горлицах и закупно новых фильмов.

О. Я.

Вшиткых тых, котрым перелано календары для продажи, просит редакция с присланє одержанных с роспродажи грошей.

Вшиткых пренумераторов просит ся выровнати пренумерату за прошлый рок и влачати ю на рок 1935.

Вписуйте ся в члєны Лемко-Союза! Членска вкладка выносит 2 зл. рочно. Лемко-Союз выплачат своим членам в несчастях запомогы и так: 1) в случаю смерти члена 70 зл., 2) в случаю страты коровы, або коня 50 зл.

Обьявленє

Повітове Товариство Рольне уряджат в Крыниці-Селі курс трыкетарский. На курсі том буде учіти ся вырабляти с власной волны свєтры и рукавичкы для мартяров. Курс обыйме также науку фарбованя домашной волны.

Курсанты мають обезпечены етальны доходы.

Тепер ест замовленє на 8.000 штук мартярских рукавиц. Зголошеня в редакции „Лемка“ до 30 марта 1935 р.

Насинє лєну до сіяння можна купити в Повітовом Товаристві Рольном в Новом Санчі в ціні по 72 зл. за 100 кг. Гроши посылати зараз. Замовленя мусят вы-носити найменше 50 кг.

Увага Склепары!

Продам, выарендую, або прийму спольника до сельского склепу, положеного при тракті. Условия добры. Близши информации даст редакция „Лемка“ по на-досланю почтового значка за 25 грошей на отвіт.

У х в а л а Л е м к о - С о ю з а.

Правлене Лемковского Союза на своєм засіданню дня 17 марта 1935. р. в справі выплаты запомогы похоронной по смерти члена и в справі выплаты отшкодованя за павшу живину рішило:

I. В справі похоронного фонда членов Лемко-Союза. Право до выплаты похоронной запомогы в сумі 70 злотых мають законны наслідники лем того члена, котрый вступил до Лемковского Союза не пересягнувши 50 (пятидесятого) року життя и был членом организации непрерывно не менее два літа, уплачуячи точно членскы вклады, уставом организации предвиджены.

II. В справі отшкодованя за павшу живину.

- а) Право до отшкодованя набыват член лем по трох місяцах своєї членской принадлежности до организации и лем втотчас, коли платит точно вклады.
- б) Отшкодоване може достати лем за живину, котра становила єго власность або власность єго мужа (жены), жуячого с ним в одной господарці.
- в) Отшкодоване достає за живину, страчену наслідком случайной, неувяненной хвороты, повсталой без ничієй вины або несчастного случая и то за живину рогату, або коня, котры сут понад рок стары.
- г) Организация не платит отшкодованя, если падєне живины наступило наслідком якоинибуд пануючой в селі пошести (заразы) а также не платит отшкодованя за живину, котра упала наслідком застарілой хвороты, котра обявляла ся ище перед вступленєм властителя до организации и за живину, котру член организации купил с обявами застарілой хвороты.

Што чути в світі.

Франция хоче продати Италии остров Мадагаскар за 75 миллионов фунтов стерлингов.

Розстріляли 19 вояков за дезерцію. В Римі розстріляли 19 вояков за то, што перед кильканадцет диями утекли до Австрии с полка, котрый мал вирушити до вехедной Африкы. Австрийский уряд выдал дезертеров Италии и войсковый суд засудил их на кару смерти.

В Турции святочным дньом была пятница. Тепер турецке правительство несит ся з пляном установления меділі дньом отдыха на місце пятницы.

В Лондоні має отбыти ся незадолго международный конгресс сліпцов.

Германия домагат ся зменшения большевизмской армии. Недавно радили в Берлині инглийскы министри с канцлером Гитлером. Як знаме, Германия авела в себе загальну службу войкову, хец трактат версальский забранял ей на то. Гитлер заявил, што Германия розбрыт ся лем под условием, што и другы державы розбрыт ся. Крім того Германия жадає, штобы Совіты зменшили число своего войска и штобы часть своего войска перешмарили с западных границ на Дальний Восток.

Большевики заборонили заграничным журналистам на в'їзд до своего краю. До Москвы поїхал инглийский министр Иден. Разом с ним хотіло в'їхати до Совітов килькох заграничных журналистов; не одержали они однак большевизмских виз на в'їзд до СССР. Журналисты ждуть на поворот мин. Идена з Варшавы.

Процес против шпёнов. В Парижі начал ся великий процес против 21 особ, котры сут оскаржены о шпёнство на користь Совітов. Розправа буде тревати вєще як місяц.

Голод. В Кытаю вздолж рікы Янг-се голодує 12 миллионов людей.

Червоний сніг. В турецкой части Кавказа упал червоний сніг. Яка причина того явления — не знати.

В Палестині має быти поставлений памятник убитому минулого року югославянскому королюви, Александру першому.

В Чикаго в одном ночном клубі повстал с незнанных причин пожар, в часі котрого згоріло 6 картяров и килькадесят тысяч долларов.

Як Сталин помстил ся на Голандии. Коли минулого року Совіты мали вступити до Лиги Наций, выступала против того Голандия. Тепер на приказ Сталина замкнено в Ленанграді каплицу голендерских католиков.

Купають ся в вині. В одном місті в Калифорнии открыли недавно купелі, где ванны наполняют не водом лем вином. Вино там єст барз дешево, дешевше як у нас лічніч воды. Лікары ствердили, што купелі в вині помагють на даякы хвороты.

Грамофон вміє дзвонє. Нова церковь в инглийском місті Меркемби заправила у себе вміє дзвонєв грамофон, котрый буде передавати звук дзвонєв с лондонских церковей.

80 раненых в часі весіля. Недавно было весіле в одной місцевости в Индиях, в часі котрого было раненых 80 особ. Причином было то, што 400 селян хотіло ужити до весільного похода коней, але місцевы власти выступили против того. Конна полиция выступила против ставляющих опор селян и прето пришло до загальной бійкы, в котрой взяло участь ціле село.

Папа Пий XI. приготувляє енциклику о мирі, котра має быти оголошена перед Великодими Святами того року, а котра буде звернена до всіх держав и народов, штобы они провадили политику в духу хрыстьянской любви. Сподіють ся, што тоге возване барз ся причинит до укріплення мира.

Відомости с краю.

Будують мост. На ріці Дністер коло Заліщик мають збудувати мост, котрый буде коштувати 700 тысяч злотых. Кошты тоты покрьє по половині Польща и Румунія.

Комунистичный процес в Ковлю. Тепер отбываєт ся в Ковлю перед окружным судом процес против 57 комунистов, котры провадили на Волини акцию страйков рольничих. Они намовляли газдов по селах, штобы тоты бойкотевали ярмаркы по містах. В тот спосіб по містах брали было рольничих продуктов.

Зарізали 5 дітей. В одном селі коло Тарнова оден формаль, служачий в дворі зарізав своих пятеро дітей в віку от 2 до 8 літ, а то с причини нужды.

В Ряшові повішено Антона Януша, котрый был засуджений на кару смерти за то, што разом с бандытом Мачугом убил для рабунка кс. Хмуревича.

Застрілили ся в поїзді. В послішнем поїзді, котрый їхав со Львова до Черемшыля, застрілили ся с револьвера майор Б. Блюмский. Причином был нервовой розстрой. Блюмский оставил лист до жены.

Счастье в несчастье. На стации в Велемині коло Варшавы упал под поїзд 9-тилітний хлопец. Люди, котры стояли на пероні думали, што с хлопца остане ся лем труп. Барз однак были удивлены, коли по переїзді поїзда увиділи, што хлопец поднес ся землі и вышел помалы на перон. Одним словом мал счастье, понеже лем потолк ся в голову.

Плямистый тиф. В Золотом Потоці коло Букача захворіли 4 особи плямистым тифом, с котрых одна уж померла. Власти выдали отповідны санитарны зарядження.

Важне для селян

Фабрики волняных виробов звертають увагу селян на масовый хов расовых кроликов породы ангорской, котры дають дуже цінну и покулну волну. Хов тых кроликов даст газдам далеко больший и певный доход, чим хов кур, гусей, свиней, а навет коров.

О близши информации в ділі закупки кроликов, почвань о способах кормлення, збераня с них волны, продажы волны належит звертати ся под адресом: Strzyżów w Wiślokiem Skrytka poczt. № 1. Под тым самым адресом можна продати овечу волну. В таком случаю треба послати пробку волны 10 р. и описати барву волны и подати ціну.

Найдешевше

можно купить сало, солонину, смалец и колбасу у **Несалы** в Крыниці-Здрой (давнійше Кметович) напроти торговый галі.

Сало и содена солонина по 1.20 зл.

Смалец и колбаса по 1.40 за 1 кг.

Склепам и кооперативам значный опуст.

Користайте с той небывалой оказии!